

桂苑筆耕集

桂苑羹耕
集二十卷

四部叢刊初編集部



上海商務印書館縮印無
錫孫氏小涿天藏高麗本

桂苑耕序

續而
一六

淮南入本國兼送詔書等使前都統巡官承務郎
侍御史內供奉賜紫金魚袋臣崔致遠進所著耕
詩賦及表奏集二十八卷具錄如後

私試今體賦五首一卷

五言七言今體詩共一百首一卷

雜詩賦共三十首一卷

中山覆置集一部五卷

桂苑耕集一部二十卷

右臣自年十二離家西返當棄將之際亡父誠之曰
十年不第進士則勿謂吾兒吾亦不謂有兒桂矣勤
哉無驕乃力臣佩服嚴訓不敢弭忘懲刺無違其
善志實得人百之已千之觀光六年金名牘尾此時
諷詠情性寓物名篇曰賦曰詩發溢箱篋但以童子
篆刻壯夫所慙及忝得魚賞爲棄物尋以浪跡東都
筆作飯囊遂有賦五首詩一百首雜詩賦三十首共
成三篇爾後調授宣州溧水縣尉祿厚官閑飽食終
日仕優則學免擲寸陰公私所爲有集五卷益勵爲
山之志爰探舊書之名地號中山遂冠其首及罷微
秩徙職淮南蒙高侍中魯委華視軍書幅至竭力抵

當四年用心萬有餘首然洵之次之十無一二敢比
披以見實粗勝毀瓦重壤遂勒成桂苑集二十卷臣
適當亂離寓食戎幕所謂體於是溺於是輒以筆耕
爲目仍以王韶之語前事可憑雖則僣傳言歸有慙
鳬雀既壘既稱用破情田自惜微勞冀達聖鑒其詩
賦表狀等集二十八卷隨狀奉進謹進

中和六年正月日前都統巡官承務郎侍御史

內供奉賜紫金魚袋臣崔致遠狀奏

桂苑耕集一部二十卷

都統巡官侍御史內供奉崔致遠撰

桂苑筆耕集卷之一

表一十首

賀改年號表

賀通和南蠻表

賀建王除魏博表

賀封公主表

賀殺戮黃巢徒伴表

賀處斬卑賊許能表

賀收復京闕表

賀殺黃巢表

賀降德音表

賀迴駕日不許進歌樂表

賀改年號表

臣某言今月某日得進奏院狀報奉十一日宣下改廣明元年為中和元年者履義龜城易名鳳紀美號既新於曆象歡聲遍振於寰區臣某誠抃誠躍頓首頓首臣謹案王制云天子西巡狩命典禮考時月定日同律然則三秋啓候萬華省方金郊興肅殺之風玉壘應巡遊之地遂遵規於舉正爰降命於改元且大戴禮曰中也者天下之大本和也者天下之達道致中和天地位焉萬物育焉故漢益州刺史王襄俾蜀詞人王褒作中和樂職宣布之詩以歌君德者舊傳揚況及聖朝曾編新樂舉二月恬和之節播八風調暢之音永驗休譚實諧昌運伏惟聖神聰睿仁哲明孝皇帝陛下纂承寶位玉闈皇猷格務格尚警勞

避狄風始行於地上易象可徵日再耀於天中休積斯在是以紀年有裕懸法無虧帝業中興則遠超於前漢後漢物情允洽則近繼於元和太和足可使蠢植昭蘇華夷悅服掩神雀黃龍之瑞應河清海晏之期則彼蕞爾叛徒駭然甯聚偶縱煙塵之患即歸原野之誅佇迴西幸之儀便舉東封之禮臣今者既獲成師以出必能仗義而行跡泛戈舡心馳劍閣與陳我捷承賀堯年臨楚水以魂飛朝天可待望泰雲而目極梓日為期末獲榮列朝班稱慶行在無任抃躍戰懼屏營之至謹奉表陳賀以聞臣某誠歡誠喜頓首頓首謹言

賀通和南蠻表

臣某言臣得進奏院狀報入南蠻通和使劉光裕等迴雲南通和無進獻國信金銀器物正段香藥馬等者天威遠振星使遄歸化外窺內黜之徒竭奉贊獻琛之禮德既起於萬古恩已洽於四夷臣某誠欣誠抃頓首頓首伏以聖主卜征既以用和為貴遠人從化自知犯義不祥是得事尚從權德資舍垢言皆答響禮不違經且南蠻嘗懷異謀久於邊患數年猶夏獨虧控北之誠列鎮徵兵驟動征南之役則築虛可

慮怙亂難防今者鳳口銜書繞飛遠地狼心感德永順皇風有以見皇帝陛下法古為君視人如子以藏疾匿瑕為妙策以玩兵黷武為良歲能昭利害之鄉不失羈縻之道遂使要服修貢寶旅歸仁適當多事之秋已見太平之兆則彼驃信實狗封之族尚革昏迷賊巢通蟻聚之群何難撲滅行聆大捷永賀中興必可驅羌奔而殿禹湯苑五岳而池四海盛矣莫矣念茲在茲臣頃者聖冠交州董戎蜀郡先則展馬捷討除之勢後乃設隨何說論之機仰托皇威粗申將略喜當今日免負初心限守藩條不獲稱慶行在無任賀聖機恩欣躍屏營之至謹奉表陳賀以聞臣某誠并誠躍頓首頓首謹言

賀建王除魏博表

臣某言臣得進奏院狀報二月二十二日是除建王可開府儀同三司兼太保充魏博節度使者維城茂德列土殊勞遠分閭外之憂實表寰中之慶臣某誠歡誠喜頓首頓首臣聆周歌麟趾漢譬大牙固須地處親賢方得天垂寵寄伏以建王修善為樂居高不尤好書而既擅多才獻表而肯題永試今以郵稱上鎮親有大名將質磐石之宗遠錫分圭之寵豈獨潭

濱之俗遠荷恩威永令海內之人皆歌德業臣限守藩鎮不獲稱慶行在無任踴躍屏營之至謹奉表陳賀以聞臣某誠欣誠躍頓首頓首謹言

賀封公主表

臣某言臣得進奏院狀報去年十月十四日勅旨皇帝第十一妹封遂寧公主長女封唐興公主次女封永平公主待收復京闕臨禮冊命者芳舒玉葉寵襲金根贊佳氣於高天振歡聲於率土臣某誠欣誠并頓首頓首伏以遂寧公主德資元吉考祥於歸妹之占唐興公主永平公主譽洽肅雍慶於降嬪之典伴嫦娥於獨月分嬖女於雙星秀發青春光浮碧落伏惟皇帝陛下齊家理國恭已敬親流鳳宸之殊恩舉萬閭之慶命猶以暫勞仙躔未復皇都留具禮於宮闈待成功於干羽捧日而榮滋九族欽風而喜播四方臣限守藩條不獲陪位稱慶行在無任并踴躍之至謹奉表陳賀以聞臣某誠喜誠躍頓首頓首謹言

賀殺黃巢徒伴表

臣某言臣得進奏院狀報北路軍前空難軍節度使拓跋思恭保大軍節度使東方達等奏宣君縣南殺

戰逆賊黃巢徒伴二萬餘人生擒三千人并賊將者又鳳翔節度使李昌言奏據知京中賊徒潰散六月十三日皇帝御宣政殿排使受宰臣及百僚賀禮畢

者唐謀遠叶戎捷過陳開雉扇而僞皇威舉焉旋而恭列辟天淳喜氣地直歡聲臣某誠喜誠抃頓首頓首伏以逆賊黃巢嘯聚克狂偷生剗養茲而惟日不足恃暴而謂天可欺敢驅螻蟻之群累拒熊羆之衆華唯自作罪欲何逃招跋思恭東方達等身居重位手握雄師氣吞蠶彼之徒志解赫斯之怒齊驅於六步七步果剗於左之右之戰于野而騰威我難伏莽拘諸原而騁勇勢若焚枯不准剗面春喉乃得運頭係頸况李昌言鎮於岐下伺彼京中識虞謹虞集之祥辨師曠鳥聲之樂遠飛吉語遠達宸聰佇者大戰之期克踐中興之運伏惟聖神聰睿仁哲明孝皇帝陛下財成三極敷叙九疇出震位而臨人方瞻堯日幸坤維而罪己更聞舜風暫勞遵養之師逸委仁賢之將既誅逆黨爰列賀班濯錦江邊已睹霞舒絲伎著龍關下即聆雷振奎音永清四海之波遍灑九天之澤臣謹操鈇鉞尚默鼓鼙未唱凱歌唯知抃舞願彭野之久妨道路怒髮雖衝望秦原而將滅煙塵

愁眉已展臣限拘守鎮不獲稱慶行在無任欣抃聳踴屏營之至謹奉表陳賀以聞臣某誠歡誠躍頓首頓首謹言

賀慶斬草賊阡能表

臣某言得進奏院狀報西川都將高仁厚部領兵馬收捉草賊阡能已於十月十八日並虜置訖二十一日聖駕出羅城北樓宣慰迴戈將士各賜優賞放賜本營者遠耀日旗高張天綱衆師已歸於大戢鴻圖永耀於中興臣某誠歡誠抃頓首頓首臣伏以草賊阡能跡陷迷津心辜聖澤短於格射人之毒瘼拘宜吠主之聲高仁厚逐惡志雄擒奸氣勇仰資唐略靜剗兇徒伏惟皇帝陛下有罪必誅無惡不服歌拔獲而遣卒念破竹之成功親降如綸之言過安拔練之卒坎氣息而綿山益翠喜氣浮而錦水先春自此遠振軍聲深摧寇黨覆稂莠而在即迴法駕以何遜臣方事專征先聆吉語限拘藩鎮不獲稱慶行在無任踴躍屏營之至謹奉表陳賀以聞臣某誠歡誠躍頓首頓首謹言

賀收復京闕表

臣某言臣得河中節度使王重榮牒報四月十日當

道與鴈門節度使李克用及都監楊復光下諸都馬軍諸人京城與賊交戰約殺却賊步軍一萬餘人其

馬軍賊便走出城往東南路去其賊軍家口錢帛並

皆遺下黃巢亦未知存亡其逃遁賊徒尋差兵馬近

奔並已收復京關訖者天威耀武月捷傳聲震遐

而初奏凱歌舉區宇而咸增并舞臣某誠喜誠躍頓

首頓首臣竊窺彙代旁採前經靜理邦家必須以殺

止殺保安社稷固在雖休勿休是故不得已而用兵

無所私而煦物伏惟皇帝陛下纂臨寶位玉闈宏圖

匝四瀛而不見揚彼安九野而皆能偃草而乃逆賊

黃巢暗遣邪徑深入禍門久騰吠嘯之聲敢恣窺

之便穢黷宮闕淹延歲時偷安暫藏於鼎中戮暴難

逃於机上今者風行唐略兩集王師揚復光任在信

臣李克用名為勇將各思報効馳驚驍雄奮心而覆

滅巢集戰力而尅收鳳里賊巢拒輪不暇亂報潛奔

千戈則電散風飛金帛則填街塞巷更展追遊之勢

必擒餘惡之徒自此日月重光煙塵永息唯望宸遊

之退駕仰觀盛禮於登封臣職忝董戎功慙徇難雖

手無重柄數年虧奮擊之能而耳得嘉聲遠地倍歡

呼之功臣限拘藩鎮不獲稱賀行在無任手舞足蹈

慶并昇管之至謹率表陳賀以聞臣某誠喜誠躍頓首頓首謹言

賀殺黃巢表

臣某言臣得武寧節度使時清狀報逆賊黃巢尚據分隊並在東北界於六月十五日行營都將李師悅陳景瑜等於萊蕪縣北大滅羣兇至十七日遂獲賊將偽僕射林言梟斬黃巢首級并將從伴降部下都將李惟政田球等訖其黃巢首已送行在者聖日重耀在氣暗銷戎捷超於古今歡聲振於夷夏臣某誠并誠躍頓首頓首臣伏以歲有四時則秋行肅殺之令武有七德則兵貴禁戢之能是故歲以無相棄而克成兵所不得已而方用自革結繩之政皆勞祝網之仁賊巢食土懷頑含沙稔毒深犯天紀廣地災九州則半致侵陵三輔則久經穢黷擢髮而既難數罪者唯而只待懲姦今者窮寇迴心元兇授首殺傷老少歸附居多有征無戰之言實符王道以靜待勢之勢深叶軍機伏惟皇帝陛下運籌中興功資下武睹天鑒而實為大警聽風謠而非止少康永當銷千戈之鋒便可鑄耒耜之器况迺西山八國數年飽巡幸之恩東岳百神終日渴登封之禮行迎雲馭俯

納舉音臣密通冠戎撫安疆境不暇爭鋒而進實防
代祖之讎懇虧犬馬之勞喜睹餘凱之戰手舞足蹈
魂飛騰揚臣限守藩條不獲奔走稱賀行在無任慶
抃兢越之至謹奉表陳賀以聞臣某誠歡誠喜頓首
頓首謹言

賀降德音表

臣某言臣得進奏院狀報司天臺奏六月十六日夜
太陰虧伏奉六月二十三日德音應三川管内見禁
囚徒等宜委所在長吏五日內疎理失違其京畿四
面暴露骸骨宜委諸鎮勿准前集勅旨差人收拾埋
瘞者望舒酉影曲赦流恩化洽誼事義資掩骼兼歆
聲於蜀壘蕩妖氛於秦川臣某誠并誠躍頓首頓首
臣伏以日餘順暑而照臨不失其所月以順時而盈
缺則維其常況當膏葉初凋桂輪自減兵銷下土非
石麟暗聞於東陵請見上天致玉兔暫虧於西池既
同君子之過乃軫聖人之憂伏惟聖神聰睿仁哲明
孝皇帝陛下光開唐圖保寧區宇仁能及遠德以勝
妖爰當屢義之辰克舉膏火之典慈傷痍死牢因免
滯於風霜義貫幽魂道殫皆沾於雨露可使涪水耀
千年之色巴山時萬歲之聲道能繼於垂衣法無好

於委戀行迴巡幸仰賀登封臣限守戎藩不獲稱賀
行在無任并躍屏營之至謹奉表陳賀以聞臣某誠
歡誠喜頓首頓首謹言

賀迴駕日不許進歌樂表

臣某言臣得進奏院狀報伏審勅旨迴駕日應沿路
州縣切不得輒進歌樂及屠殺者聲除餘喜味減厲
珠連連罪已之言深播好生之德凡於蠢動孰不歡
呼臣某誠并誠躍頓首頓首伏惟皇帝陛下日月運
行雷雨作解體堯舜之理能成若法禹湯之典必勅
馬退庭舞而撤宮懸惡衣服而罪飲食一慈二儉中
玄祖之格言沐雨旃風稟太宗之丕訓今則見梳束
顧挫捫西移師乙收心無以逞鏗鉤之曲庖丁斂手
何由挫骸解之形義感六牲思加薦牲則乃蜀山力
士既無煩役之虞漢水老人豈有深譏之事帝業永
資於下武物情皆慶於中興臣方擁戎旃阻隨仙蹕
遙思盛禮空馳拱北之誠願報深恩但勵鎮南之志
無任并躍屏營之至謹奉表陳賀以聞臣某誠歡誠
喜頓首頓首謹言

桂苑草料集卷之二

謝加太尉表

謝示南蠻通和事宜表

謝立西川築城碑表

謝御制貢贊表

謝御札衣襟并國信表

謝就加侍中表

謝賜宣慰兼加侍中實封表

請巡幸江誰表

請巡幸第二表

讓官請致仕表

謝加太尉表

臣某言今月某日宣慰使供奉官嚴遵義至奉宣聖旨慰諭臣及將校等并賜臣勅書手詔各一封加臣檢校太尉依前充淮南節度使兼東而都統者仰窺鳳詔謂對龍顏寵榮極而何力負山戰灼深而自容無地臣某誠忝誠感頓首頓首臣伏以大司馬之威權百官所仰上將軍之法令十道皆遵豈唯整戎五兵實在諧和七政況當今日宜屬全材如臣者德之潤身智虧周物於儒則華黜五色在武則劍敵一夫但以荷寵天庭分憂水國擁旄重寄榮冠絕於一時伏鐵專征莫折衝於萬里幸逢聖鑒得盡忠誠今者已率雄師將誅巨猾征旗指路遠赴堯日之光戰艦凌波方託舜風之力豈期王人遠降帝命俄臨獎其外鎮之微勞授以上司之劇任未著縞衣之義旋叨

錦被之榮况乃兼制利權廣潤軍食瑞節不移於南克兵符亦館於東陸將何異能勝此寵寄謹當冰為夕飯藥作朝飧寒帷則面撫番黎建旆則身先士卒群冠既蟬毛而起偶恣僭張諸侯必馬首是瞻兵成剪滅唯力斯視何必自安必也臨亂忘身見危致命仰解魚勞之念粗申式遏之功臣既當下瀨走師行欲中流鼓誓枕雕戈而報寡跡寄轅門瞻帝座以馳誠魂飛輦路未獲稱謝行在無任感恩懇聖榮并戰懼之至謹因宣慰使嚴遵義迴附表陳謝以聞臣某誠感誠懼頓首頓首謹言

謝示南蠻通和事宜表

臣某言二月二十六日宣慰使供奉官李從孟至伏奉勅旨入鶴拓使賈嗣王龜年閤門使劉光裕等迴得驛信表并國信兼布變揚奇肱典西川節度使書皆備述情誠無不順命其表及書白并答信物數並令錄往此事首末自卿良謀者遠降王言深窺使節跪聞上天之旨坐知外域之心寵臨踰涯憂惶若屬臣某誠忝誠躍頓首頓首臣才非閑代智不濟時但以每鎮窮邊粗安荒服免使飽飛飢附役令前得後恭頓者忝守成都冀申遠略遂憑釋子善諭蒙王仰

稟天威得揚風教永戴干戈之惠俾陳玉帛之儀雖
羣議沸騰范銜饒金之口而宸衷剴斷早推陸石之
心是以暫事西巡或虞南叛爰遣維城貴冑直闕近
臣迴聖德以降尊遠傳玄化譯訖言而獻款倍篤真
誠既令抱義戴仁果見奉琛執寶此皆陛下威德臣
何力之有焉而通謂臣有先見之能知未來之事故
和璧之良策倍幸蜀之嚴城倍錄勤勞迥垂稱獎暗
雕題之章奏書執既同恩稽夏之猜嫌梯航相接驗
南賕之贖咎知北極之舒憂雖云五利有餘敢希茂
賞唯願四方無事永贊昌期臣限守藩脩不獲稱謝
行在無任欣感戴兢惕之至謹因供奉官李從孟
迴附表陳謝以聞臣某誠惶誠恐頓首頓首謹言

謝立西川築城碑表

臣某言伏奉十一月六日勅旨以臣在任西川節度使
日創築羅城昨因有勅嘉獎方進所賜碑詞今已付
所司鐫鐫建立者一片石文龜初戴立九重天語鳳
已銜朱雕銘莫繼於色絲龍飾遞超於華表仰窺恩
獎俯抱憂惶臣某誠感誠懼頓首頓首頃者幸夢三
刀久臨益部進提一劔得挫蒙兵但以其玉壘可稱
金城未設山口則空吞蠻水頭則斜枕捷捍含溪

抱谷之形雖云天險比屋連甍之勢實類野居臣是
以運度籌謀斟量板築蓋從人欲果致于未達得使
興而草偃川中誠感而土生石上長圍於三十六里
高鎮於百千萬年不愧鐵名可將錦試犂埔鳥標傑
若審飛錦浪綿峯迥然裝飾遼蒙陛下辱褒稱之重
許刊勒之榮以為事實可觀足得詞華不朽臣雖過
泥封激賞豈持油素務請非敢彰論所期避謗今者
伏遇皇帝陛下遠巡勝輿親覽微功微舊賜之碑詞
命新鐫之華跡永使卓立翠臺之境平欺劒閣之銘
且杜元凱之岷亭無非自街阮德規之齊國蓋足衆
成謨傳身後之虛名豈睹目前之盛事焉若彰毫見
獎羣琬斯刊因成下土之功終應上天之意得逢今
日別振孤風向非陛下錄善恩深酬勞德厚則何以
未有出師之業篆刻叨榮曾無典學之規傳揚竊羨
臣限拘鎮守不獲稱謝行在無任感戴欣躍戰懼之
至謹奉表陳謝以聞臣某誠惶誠恐頓首頓首謹言

謝賜御製真贊表

臣某言二月二十六日宣慰使供奉官李從孟至伏
奉勅旨已令於大慈寺卿真院賜朕真并扈從宰臣
等真列卿儀貌俱會此堂今先寄卿真軸并朕親製

贊述賜卿其表顯恩式彰異禮者銀璫降使玉簡傳詞受宣而頂踵光輝拜賜而神魂驚越臣某誠感誠懼頓首頓首臣志欽謂訣葉鍊北書敢憑涓滴之勞自安寵寄願掃氛霧之惠永竭忠誠遂在先朝便從我後南征北伐豈暇寧居東鎮西藩累叨重任遇陛下龍飛之後委微臣隼擊之能蜀國防變則粗申遠

略楚宮捍寇則偶遠良機旋令移節於海門復許達牙於淮甸是以常拘我聞未覲宸階唯被天上之詔書似暗日中之玉宇空增懋閱莫遂歸期頃者虔託仁祠駕留慶賀豈致去思於舊鎮唯懸取笑於空門伏遇陛下展義陳詩停鑒駐蹕遂微繪事俾駕聖容其於侍從之臣宜居左右豈料尋微之質得潤丹青愧無驚領之姿永侍龍顏之側况蒙宸襟顧瞻御華贊揚高題而素壁爭輝卓立而浮埃不染然後遂飛寵詔特遣貴臣乍捧絲牋驟竊游揚之譽初聞寶軸深驚刺畫之思窺看而形影自慙慮漲而肺腑何堪昔漢朝中興聖帝下念功臣列形像於禁宮載勳名於史冊雖令贊述不自稱揚豈如陛下警事巡遊迥垂獎飾別降絲綸之命親編錦繡之詞俾臣位掛於鳳凰池中名超於麒麟閣上邇尋故實獨荷殊榮有

何出眾之能見此非常之寵所謂千年嘉遇萬代英譚唯當志勵風霜永驗松筠之不改身需雨露免憂蒲柳之先衰臣限守藩條不獲稱謝行在無任感思戀聖榮踴兢懼之至謹因供奉官李從直回附表陳謝以聞臣某誠惶誠恐頓首頓首謹言

謝御札衣襟并國信表

臣某言二月二十六日宣慰使李從直至伏蒙聖恩別賜臣御札衣襟并御服衫一領龍腦香一金合金銀花散梳一口金花銀植一隻者 竊神華恩襲御衣仙香氣撲於鼻根寶器光騰於眼界仰霑寵錫俯積憂兢臣某誠感誠懼頓首頓首臣每念業紹弓裘任叨斧鉞誓傾忠節終報聖朝去年親率驍雄殲寇旣旋承給音已駐舟師既懸叩楫之言徒切挑戈之望豈期貂冠傳命龍袞敷書辱宣尼一字之褒過亮武十行之詔加以粉分御筭香滿雕奩花錫乃麗水之珍雪 透任山之器捧玩而實驚寮史絨藏而永耀子孫雖有幸逢時輝榮驟集而無功受賞愧非難居徒荷鴻私何中豹略身依楚水未陳告捷之書目斷蜀天但灑感恩之淚臣限守藩鎮不獲稱謝行在無任荷戴激切榮抃就懼之至謹因供奉官李從

孟迴附表陳謝以聞臣某誠惶誠恐頓首頓首謹言
謝加侍中表

臣某言臣伏奉去年十一月十一日恩制加授臣侍中依前淮南節度使階勳封並如故仍加食實封一百戶者有命自天處身無地底深以涖龍極而驚臣誠忭誠懼頓首頓首伏以黜陟分科聖君至教行藏守道達士良規慮受爵以斯亡在持盈而不殆臣自提摧筦便遇兵戈郡邑為征戰之場山海足遁逃之藪既難聚利莫遂成功况乃權有他門刃無餘地動見越庖代祖無非避柱觸楹遂虧漕軌之程僅壞銅鹽之法伏蒙皇帝陛下俯詳直道不寬嚴誅選用良才改移重務而乃察臣在公之節念臣戀主之誠重委將壇更增封邑恕之一時之秀許攀七葉之榮唯慮懸卿或譏竊位然臣今所以自賀者三朝獨立七鎮榮遷每當拜爵王庭不省謝恩私室以茲勵已永免愧人謹當激發壯圖殲夷窮寇粗息四方之患仰寬萬乘之憂臣限守藩條不獲稱謝行在感恩戰灼屏營之至謹表陳謝以聞臣某誠懇誠懼頓首頓首謹言

謝加侍中兼實封表

臣某言六月十六日供奉官劉叔齊至奉宣聖旨慰諭臣及將校并賜臣勅書手詔各一封官告一通就加臣侍中仍加食實封一百戶餘如故者自天降命無地安身啓鳳詔而魂驚對貂冠而股慄臣某誠感誠懼頓首頓首臣早因薄效每忝殊榮勤王而素乏實勤受爵而但多虛受員山寡力臨谷戒心况自我馬生郊陣蛇出穴妖氛蔽關法駕省方臣久鎮雄藩嘗提重柄一無成績兩拜龍章前者以上將軍為大司馬今則兼納言之任加真食之榮累年虧損草之功終日抱伐檀之耻且易曰或錫鞶帶終朝三褫之詩云受爵不讓至于已斯止遍覽格言是懲貪祿不能報國者欲榮家臣實何心有覲于目但遇王人遠降聖澤傍流仰睹綸音深嘉執政以為師徒輯目黎庶安寧俯念忠誠特行懋賞臣也方寸之地可倚咫尺之顏不遑豈敢矯俗陳情飾詞讓爵難效一辭而退唯期三命益忝既除勞力於利權終願勵心於閭寄臣伏限守藩不獲奔赴行在稱謝無任感恩戀憂戰汗屏營之至謹附供奉官劉叔齊奉表陳謝以聞臣某誠惶誠恐頓首頓首謹言

請巡幸江淮表

臣某言伏以舜伐有苗修德而終能率服湯征自葛行恩而競望來蘇斯皆今古之美譚實乃帝王之盛事固敢踴天負責向日裁誠仰陳利害之端冀副華夷之望不量在簪裾聖聰臣某誠惶誠懼頓首頓首臣聞日月以運行焉德永履于天江河以委輸是期必朝于海上能昭其賄育下方遂於通流況乃天灾非人力能除地分有兵我不起將獻永安之兆輒陳可復之詞伏自寇陷上京兵微外鎮猛銳始從於鶴列旋鼓徒歸頑克尚固於蟻封難成盡殪臣豈唯投袂實至衝冠昨率舟師暫屯江次必欲朝離楚岸暮及漢濱旗張商嶺之風劍拂秦川之霧願言薄伐冀效微勞尋蒙陛下遠許分憂不令離任臣進退惟命始終無虧寧招贖職之譏敢涉爭功之責又緣淮海乍息烟塵忽若去兵必當致寇則迺江南次壤盡成蚕食之資淮北強隣暗展鯨吞之勢興賦既無所倚軍須將必壘空是以仰奉勅書已班師旅四境之赤眉歸伏八州之黔首謐寧適布皇恩粗中將略然而關中絕敵閭外偷安既非踴躍以身先每切忸怩於頻厚伏惟皇帝陛下省方展義駐蹕經時龜城壯麗之形金湯雖固鳳羣巡遊之費柱玉可虞況舊謂

西川富強祇因北路商旅託其茶利賸彼軍儲今則諸道表章則半載始迴散貢獻則經年未達實緣道路遼遠無值千戈阻難值剽掠者斯多至行朝者甚少加以僦雇所費耗蠹不輕每當水運陸般只可率鍾釜石以此征稅則漸成抗弊軍兵則未遂飲餽伏慮扈從實繁軍儲仍廣盡搜資於三蜀難濟用於百司苟興軒食之憂實憐庶寮之望又以蜀川僻居印棘人空通蠻戎虺毒潛吹獸心難測儻或乘虛犯境率衆渡瀘六軍之熊豹騰威縱能制敵八詔之駟振作暴不免喧驚事可酌於將來禍須防於未兆伏惟陛下覽臣忠懇察臣直言暫迴西幸之儀更舉南巡之禮使慶慶息後予之怨人人安庶主之心天下幸甚天下幸甚且如遠狩河陽偶遊雲夢將興霸王術順權宜況江淮為富庶之鄉吳楚乃繁華之地陛下九年理國四海為家豈比周之東遷非振晉之南渡賊巢虎在久聚穢黷難除縱使收城未宜迴駕豈如揚都卑壤桂苑名區四夷之賓易朝天九牧之貢無虛月伏乞陛下俯迴風采略從龍舟必想山靈卷三峽之風水伯寢九江之浪避尋禹跡允叶堯巡昔也日耀錦川天不傾於西北今則風行澤國地無

缺於東南竊後發使諸官舉章司隸振盛儀於歸闕告休績於登封臣雖識昧變通而志勤匡濟敢憑草奏輒貢管窺無任戀聖感恩戰越辱營之至謹奉表陳請以聞臣某誠惶誠懼頓首頓首謹言

第二表

臣某言聞聖人能以天下為一家以中國為一人者必開其義達於其患然後能為之臣遂自前年經陳短識請移車駕巡幸江淮計資於避險旣安事叶於暫勞永樂未迴聖鑒再獻誓言臣某誠懇誠懼頓首頓首臣尚阻擒奸敢言伐善然但願愚夫之一得難追賢者之三思臣頃鎮成都偶詣速處克符天意至就土功別營雄堞之雄規永壯麗城之峻境爰憑釋子善誘蒙王果後倔強之怒便付懷柔之信皆資帝力能肅物心伏遇陛下遠耀珠旗高臨玉壘樂降絲綸之旨深嘉重髮之勞謂臣有先見之機念臣以至誠所感仰銜膺獎倍激忠誠然則當年已往之功粗成籌畫今日未來之事竊有管窺首或緘辭則為負德不辭罪戾輒貢芻蕘臣近者俯察時情仰瞻乾象荆州道路群寇將侵蜀國封疆微火似起儻或未收鳳關尚駐奎輿忽有妖氛潛興近境必恐烏合蚤

食之徒占捷江陵扼斷峽路則列鎮貢賦無計流通行在詔書亦難傳降若見東西阻絕固當遐遁動搖伏惟陛下斷自宸衷斥其橫議念江淮之進獻遠涉多虞繫繫延之奸寇乘虛可懼早移仙蹕直幸揚都誠星辰交錯之灾叶日月運行之理則乃九州斧鉞討戎而齊顧風驅四海梯航奉贄而必能雲集感矣美矣念茲在茲且逆賊黃巢父黷皇居多成穢跡直到虎收之後須勞繕葺之功更俟二三年之間可與千萬世之業慮不先定事難速成伏乞陛下覽竭節之言聞隨時之義備從衷應警事宸遊天下幸甚天下幸甚臣粗識古今略詳利害自非激以為智豈敢知而不言謹奉表陳請以聞臣某誠惶誠懼頓首頓首謹言

護官請致仕表

臣言臣伏以聖君御宇必先塞彼倖門良士省躬唯慮妨其賢路若速官謗是辜主恩况臣聞中無定難之數聞外乏分憂之效強欲晏安寵祿其如玷浼刑章永言量力而行固在奉身以退既知無隱寧避有許臣某誠懇誠懼頓首頓首臣少勵琢磨晚師擒縱不以一經介意粗於三略留心願紹家勲免虧堂構

先皇帝念臣孤直試以諸難出分大將之威權坐受上卿之爵秩故得內稟幸修之訓外伸武逼之能北掃虜庭則胡難不敢南牧南靖獫狁則蠻獠無由北窺及觀彤墀誓司綬綈儀屬齊郊聚斂鉅野興師臣也不才謬膺斯任伏遇皇帝陛下著臨宸極警諭戎藩舉桂鉞以分勞聽鼓鞀而軫念謂臣有戰兵之奇略察臣立降寇之微勞遂令位假中台名編外相夢想既通於風治威稜益峻於龍桂其後瀝水波驚蜀山霧暗又念雕題之患過流默肯之文又蒙命臣曰俞為帥於彼邊薄伐得解倒懸豈敢貪天之功願銘鍾鼎越能因地之利別建藩陞代蒙陛下倚獎忠誠特行懋賞開國授周司徒之貴主家紹漢丞相之榮臣此時早誠持盈無恩請老必願告休歸里退隱羅浮不料瓏上新夫盡解捐竿新木草間惡子體蘇蟻聚蜂飛當荆門失守之時乃憂塞宿兵之際恭越戎旆無綰率益偏仇而未能報恩駭馳而何敢言病或積薪磨牙於原野或鯨鯢噴毒於江湖尋提弟討之權來撫旬吳之俗遠憑厝略海徼推亮泊解印海門建牙雄向上升軍之劇任首冠列藩大司馬之雄賞先沾省禮掃頂踵而偏濡雨露扼咽喉而莫效消

埃且自黃冠憑陵翠華巡狩仰天戮力竊嘗服玉璽之言終日痛心何止洒素安之淚及至成軍已出又綠奉詔却迴行箴雖順於綸詞進退實懸於物論遙見時傳興北林戎從周寶致南鄰責言玉座處於俱焚金亦憂於衆鑠幸蒙陛下愍之以海量昭之以天光如見肺腸得保首領然臣也先軫以直言逞志曾植以深過責躬則二年忝都統之名不能誅奸戮暴四載主銅監之務不能富國贍軍是以兵權則虜見改移利柄則變為分割凡此辱君之命莫非職臣之由臣猶自知現在陛下擢髮而既難數罪乞骸而誰願辭榮今者大憲奔赴上京克復亂殺即當殄滅軍區永見廓清臣有忝登壇無能報國行當養齒居亦胡顏兼以頃鎮蠻陬久接瘴嶺蒙犯其炊烟毒霧剝除其封豕長蛇當年而靡憚勤劬晚歲而皆成疾疹不將筋力為禮既載前經者或身心自憊難逃後患雖思強飯實愧素餐廣陵為楚澤上海鹽府乃漢朝大任以臣衰老當此重難必恐於無所成遂希不可則止伏惟皇帝陛下知人為善多士以孝遂英才而代處是邦俾微臣而退居散地關於堯之迺富固走忠貞王內史之辭官誠非矯飾幸遇舜風無外漢日

再中陛下既已除肝食之憂微臣亦希免夜行不息
臣無任望恩戀聖體迫切灼之至謹奉表陳請以聞
臣某誠感誠懼頓首頓首謹言

桂苑筆耕集卷之二

桂苑筆耕集卷之三

謝詔狀

謝詔示權令鄭相充都統狀

謝宣慰狀

謝詔獎飾進奉狀

謝詔示益州事宜狀

謝詔止行墨勅狀

謝郭公甫充監軍手詔狀

謝除鍾傳充江西觀察使狀

謝就加侍中無實封狀 謝秦若等正授刺史狀

謝詔狀

右臣伏奉四月十日詔旨黃巢克逆穢黷宮城罪惡
貫盈人神共怒尋東兵合勢剪滅元兇想副朕懷已
遵道路行聞克復永耀功名者十行天語萬里星飛
捧窺而壯膽初驚跪讀而愁眉頓豁竊以黃巢禍心
斯極根力既衰肉已太鹹果 將落豎起烟塵之患
則歸原野之誅臣每當永夜枕戈早願中流叩機自
啓行十乘已屯駐五旬伏綠江路多虞風波未便暫
淹行色用假良時非致役於遽迫但興懷於矍鑠今
則仰觀鳳衛之詔况乘華擊之秋俯勵軍謀仰遵府
算即冀朝離江北暮到漢南長驅背水之師永破滔
天之孽率奮義感思之衆氣已凌雲殄蕞奸匪暴之
徒勢如沃雪伏惟陛下嚴巡備禮時邁傳歌將示罪